



## **SULIDARITÀ CÙ U POPULU KANAK !**

A Reta vole manifestà a so sulidarità cù u populu kanak, vittima ellu stessu di a culunizzazione francese. Dipoi decine è decine d'anni, a Corsica è a Kanaky scumpartenu una lotta cumuna contr'à l'imperialisimu francese è pà u drittu soiu à l'autodeterminazione.

Dipoi 2 mesi, s'impettanu in Kanaky i Kanak cù e forze culuniale, dopu à u prugettu di muta di e cundizione di citatananza.

Numarosi militanti di a CCAT sò stati arristati di modu arbitrariu è dipurtati in metropula à milaie di chilometri di casa soia cum'elli sò stati è sò sempre arristati parecchi prigionieri pulitichi corsi. Trà quelli, si ponu min-tuvà : Steve Unë, Dimitri Tein Qenegei, Christian Tein, Guillaume Vama, Joël Tjibaou, Gilles Jorédié, Frédérique Muliava, Brenda Wanabo-Ipeze.

A viulenza di a ripressione mostra a vulintà francese di mantene u so cuntrollu culuniale è di spanticà tutte e forme d'opposizione. Milaie de militari è decine di sciarri armati sò stati mandati in Kanaky induva sò stati tombi sette kanak.

Dopu fatta a nostra azione di sulidarità in u rughjone bastiacciu, ancu puru s'ella hè stata legale, i nostri militanti si sò visti frappulati da a giandarmaria , cù un' cuntrollu d'identità, una vistica curpurale è di vitture è una cunfiscazione di materiale (bandera è cartella).

Oghje più chè mai, cheremu ch'ellu sia rispittatu u drittu à l'autodeterminazione di i populi è ch'ella sbuccissi a liberazione di tutti i prigionieri pulitichi in busca di stu drittu fundamentale.

**Da Bastia sin'a Numeà, libertà !**